

Velferðarráðuneytið, kt. 601210-1340, og Greiningar- og ráðgjafarstöð ríkisins, kt. 570380-0449, annars vegar, og Reykjavíkurborg, kt. 530269-7609, hins vegar, gera með sér svofelldan

## Samningur

um öryggisvistun/öryggisgæslu og þjónustu við einstaklinga, sem eru með fjölþætta og sértæka stuðningsþörf, með lögheimili í Reykjavík.

### 1. gr.

#### Markmið

Með samningi þessum tekur Reykjavíkurborg að sér að starfrækja stofnun og veita þjónustu einstaklingum með fjölþætta stuðningsþörf sem þurfa af þeim sökum að sæta öryggisvistun/öryggisgæslu. Fyrir hönd Reykjavíkurborgar sér velferðarsvið um reksturinn (hér eftir nefnt rekstraraðili) en velferðarráðuneytið og Greiningar- og ráðgjafarstöð ríkisins kaupa í sameiningu þjónustuna (hér eftir nefnd þjónustukaupi). Með samningi þessum fylgir kröfulýsing þar sem finna má ítarlega lýsingu á því hvernig þjónusta skuli veitt.

Meginmarkmið samningsins er að tryggja að þeir einstaklingar sem þurfa á öryggisgæslu að halda á hverjum tíma fái hana ásamt þjónustu í samræmi við gildandi lög og reglur og þá alþjóðasamninga sem Ísland er aðili að.

Samningur þessi er framhald samnings milli samningsaðila sem undirritaður var 12. janúar 2018 og gildi fyrir árið 2017.

### 2. gr.

#### Lagagrundvöllur

Samningur þessi er gerður á grundvelli 40. gr. laga um opinber fjármál, nr. 123/2015.

Rekstraraðili skal reka öryggisvistun sem sett er á fót með heimild í 2. mgr. 8. gr. laga nr. 38/2018 um þjónustu við fatlað fólk með langvarandi stuðningsþarfir. Öryggisvistun samkvæmt samningi þessum getur komið til samkvæmt ákvörðun lögráðamanns á grundvelli 2. mgr. 58. gr. lögræðislaga nr. 71/1997. Um nauðung sem beitt er gagnvart einstaklingum sem vistaðir eru samkvæmt ákvörðun lögráðamanns fer skv. V. kafla laga um réttindagæslu fyrir fatlað fólk nr. 88/2011.

Þetta ákvæði samningsins byggir á sameiginlegum skilningi samningsaðila um að eðli og inntak ákvæða í 58. gr. lögræðislaga og ákvæða 9. gr. laga um málefni fatlaðs fólks og 8. gr. laga um þjónustu við fatlað fólk með langvarandi stuðningsþarfir, veiti nauðsynlegar valdheimildir til rekstursins.

Öryggisgæsla samkvæmt samningi þessum getur komið til í eftirfarandi tilvikum:

- Á grundvelli dóms skv. 62. gr. eða 67. gr. almennra hegningarlaga, nr. 19/1940.

EAP AT  
S.L.

Önnur lög sem um reksturinn kunna að gilda má finna í kafla 1 í kröfulýsingu með samningi þessum.

### 3. gr.

#### Verkefni þjónustukaupa

Með samningi þessum tekur þjónustukaupi að sér að:

- Tryggja að fjármagn fái til þess að starfrækja þá öryggisvistun/öryggisgæslu sem samið er um samkvæmt samningi þessum.
- Tryggja að lagt verði fram á Alþingi, svo fljótt sem kostur er, frumvarp til laga um almenna skipan mála varðandi þjónustu við þá sem þurfa á öryggisvistun/öryggisgæslu að halda. Þar verði að finna heimildir fyrir rekstri slíkrar starfsemi og nánar kveðið á um skyldur ríkis og sveitarfélaga sbr. ákvæði í 2. gr. þessa samnings.

### 4. gr.

#### Verkefni rekstraraðila

Með samningi þessum tekur rekstraraðili að sér að:

- Starfrækja öryggisgæslu/öryggisvistun fyrir þrjá einstaklinga.
- Starfrækja þjónustu við tvo einstaklinga sem fengið hafa rýmkunardóma.

Um verkefni vísast í kröfulýsingu (sjá fylgiskjal 1)

### 5. gr.

#### Mat og ákvörðun um öryggisvistun/öryggisgæslu

Sé einstaklingur vistaður á grundvelli dóms fer um öryggisgæslu samkvæmt honum.

Sé einstaklingur vistaður í öryggisvistun fer um hana skv. 2. gr. þessa samnings.

### 6. gr.

#### Framvinduskýrsla og ársskýrsla

Í samræmi við kafla 1.2.1.2 í kröfulýsingu skal rekstraraðili senda þjónustukaupa framvinduskýrslu um framkvæmd þjónustu ársins eigi síðar en 1. mars 2019. Ársskýrsla með helstu lykiltölum í rekstrarreikningi skal berast þjónustukaupa eigi síðar en 1. maí 2019.

### 7. gr.

#### Faglegar kröfur

Um faglegar kröfur vísast í kafla 2 í kröfulýsingu.

### 8. gr.

#### Trúnaður og þagnarskylda

Rekstraraðili og starfsmenn hans skulu virða þagnarskyldu varðandi upplýsingar um persónulega hagi einstaklings og aðstandenda hans, sbr. 28. gr. laga um þjónustu við fatlað fólk með langvarandi stuðningsþarfir, nr. 38/2018, og 6o. gr. laga um félagsþjónustu sveitarfélaga, nr. 40/1991, og 2. mgr. 57. gr. sveitarstjórnarlaga, nr. 138/2011, og helst sú þagnarskylda

SAP, AT, rsl

starfsmanna þótt þeir láti af störfum. Rekstraraðili skal sjá til þess að gerðir séu skriflegir samningar við alla starfsmenn og skulu þeir undirrita sams konar skuldbindingu um þagnarskyldu.

#### **9. gr. Greiðslutilhögun**

Til að standa undir þjónustu og kröfum sem samningur þessi tekur til greiðir verkkaupi kr. 160.936.605.- inn á reikning Reykjavíkurborgar, kt. 530269-7609, (sjá fylgiskjal 2).

Greiðslur miðast við að rekstraraðili beri fulla fjárhagslega ábyrgð á rekstri sínum, þ.m.t. á greiðslu launa og lífeyrisskuldbindinga vegna starfsmanna sinna.

Fjárhæðin er á verðlagi ársins 2018 og verðtryggð með launavísitölu að 90% og verðlagsvísitölu að 10% miðað við vísitölur janúarmánaðar 2018. Af heildarframlagi verkkaupa samkvæmt samningnum skulu 90% teljast vera vegna launakostnaðar og 10% vegna annars kostnaðar. Fari fram endurmat á launa- og verðlagsforsendum fjárveitinga innan ársins skal endurskoða framlag til rekstraraðila á grundvelli þeirra verðlagsforsendna.

Greiðsla þjónustukaupa skal lögð inn á bankareikning rekstraraðila, reikningur nr. 101-26-56 fyrir 1. desember 2018.

Óheimilt er að ráðstafa fé sem greitt er vegna samnings þessa til annars en þeirra verkefna sem tilgreind eru í samningnum.

#### **10. gr. Fjárreiður og fjárhagslegar ráðstafanir**

Halda skal fjárreiðum og reikningshaldi vegna þeirrar þjónustu er samningurinn tekur til aðgreindum í bókhaldi frá öðrum rekstri og eignum rekstraraðila.

#### **11. gr. Eftirlit með framkvæmd samningsins**

Þjónustukaupi hefur eftirlit með að framangreind þjónusta uppfylli þær faglegu kröfur sem skilgreindar eru í samningi þessum og fylgiskjölum, meðal annars með reglulegum og ótímasettum heimsóknnum.

Yfirlit um öll atvik sem komið hafa upp á samningstímanum og tengjast öryggisatriðum, áreitni, slysum og öðru sem máli skiptir skulu skráð. Sjá meðfylgjandi kröfulýsingu.

Ríkisendurskoðandi fer með eftirlit með framkvæmd samnings þessa, sbr. d-lið 1. mgr. 4. gr. laga um ríkisendurskoðanda og endurskoðun ríkisreikninga, nr. 46/2016.

SJA, GAP, AT

**12. gr.**  
**Upplýsingaskylda**

Rekstraraðili skal senda þjónustukaupa og Ríkisendurskoðun fyrir lok apríl 2019 endurskoðaðan og undirritaðan ársreikning og ársskýrslu ársins 2018, sundurliðaðan frá öðrum rekstri og eignum rekstraraðila.

Samningsaðilar ráðuneytisins heyra undir upplýsingalög, nr. 140/2012, og þurfa því að vera viðbúnir að sinna upplýsingabeidnum frá almenningi.

**13. gr.**  
**Ábyrgð**

- Rekstraraðili ber ábyrgð á starfsemi og þjónustu sem veita á samkvæmt samningi þessum að því tilskildu að ráðuneytið uppfylli þær skyldur sem á það eru lagðar samkvæmt ákvæðum 4. gr. samnings þessa. Ef síðar kemur fram skaðabótakrafa frá einstaklingi vegna meintrar ólögætrar vistunar ber ríkið ábyrgð gagnvart þeim sem setur kröfuna fram.

**14. gr.**  
**Vanefndir**

Telji þjónustukaupi að rekstraraðili uppfylli ekki skyldur sínar samkvæmt samningnum getur hann birt rekstraraðila skriflega kröfugerð og krafist tafarlausra úrbóta og sett hæfilega tímafresti. Falli þjónusta niður eða skerðist verulega er þjónustukaupa heimilt að skerða framlag í réttu hlutfalli við brottfallið eða skerðinguna.

Ef rekstraraðili efnir ekki samningsskyldur sínar getur þjónustukaupi rift samningnum. Samningi þessum verður þó eigi rift nema vanefnd sé veruleg enda hafi þjónustukaupi áður gert rekstraraðila viðvart skriflega og sett honum hæfilegan frest til úrbóta.

Hafi rekstraraðili ekki bætt úr annmörkum samkvæmt kröfugerð innan tímafrests hefur þjónustukaupi heimild til að fresta greiðslu skv. 14. gr. þar til úrbætur hafa sannanlega verið gerðar.

Þá telst það veruleg vanefnd af hálfu þjónustukaupa ef greiðslur til rekstraraðila eru ekki inntar af hendi í samræmi við 14. gr. samnings þessa eða ef þjónustukaupi uppfyllir ekki þær skyldur sem á hann eru lagðar samkvæmt ákvæðum 3. gr. samnings þessa.

**15. gr.**  
**Réttarfar**

Mál er rísa kunna vegna brota á samningi þessum skulu rekin fyrir Héraðsdómi Reykjavíkur.

**16. gr.**  
**Gildistími**

Samningur þessi gildir frá og með 1. janúar 2018 til og með 31. desember 2018.

*Shet. EAP, AT*

**17. gr.**

Samningur þessi er gerður í þremur (3) samhljóða eintökum.

Reykjavík, 23. nóv. 2018

F.h. velferðarráðuneytisins

F.h. Reykjavíkurborgar

Elly A. Þorsteinsdóttir Adalbjörg Sveinbjörnsdóttir

F.h. Greiningar- og ráðgjafarstöðvar ríkisins

Þórunn Þorsteinsdóttir

Fylgiskjöl:

1. Kröfulýsing.
2. Rekstrarframlag ríkissjóðs 2018.

